

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/13, 04.03.2021թ.

Բողոք բերող անձ՝ «Լևոն և Լամարա Դեղատուն» ՍՊԸ

Պատվիրատու՝ «Այրվածքաբանության ազգային կենտրոն» ՓԲԸ

Գնման ընթացակարգի ծածկագիրը՝ «ԱԱԿ-ԳՀԱՊՁԲ-ԲՆԱ-21/04» գնանշման հարցում

Գնման առարկան բժշկական պարագաների ձեռքբերում

Բողոքի պահանջը՝ պարտավորեցնել «Այրվածքաբանության ազգային կենտրոն» ՓԲԸ-ի «ԱԱԿ-ԳՀԱՊՁԲ-ԲՆԱ-21/04» ծածկագրով մրցույթի գնանատող հանձնաժողովին չեղյալ հայտարարելու «ԱԱԿ-ԳՀԱՊՁԲ-ԲՆԱ-21/04» ծածկագրով մրցույթի գնահատող հանձնաժողովի կողմից 2021թ. մարտի 1-ի թիվ 3 նիստի արձանագրության թիվ 3-րդ կետով հաստատված և հրապարակված պայմանագիր կնքելու մասին հայտարարության տեքստում որպես «Հրավերի պահանջներին համապատասխանող հայտեր» գնահատելու որոշումը՝

1. մրցույթի մասնակիցներ «ԷՖԲԻԷՅ» ՍՊԸ-ի և «Ռիտա Գասպարյան» Ա/Ձ-ի կողմից Հրավերի թիվ 8-րդ և 61-63-րդ չափաբաժինների մասերով պահանջվող ապրանքների համար ներկայացված «Գնային առաջարկ»-ների մասերով,

2. մրցույթի մասնակից «Լեյկո» ՍՊԸ-ի կողմից հրավերի թիվ 10-14-րդ չափաբաժինների մասերով պահանջվող ապրանքների համար ներկայացված «Գնային առաջարկ»-ի մասով:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ՀՀ Գնումների հետ կապված բողոքներ քննող անձ
Պարոն Լևոն Օհանյանին**

ԲՈՂՈՔԻ ՃՇՏՈՒՄ

- 1) **Բողոք բերող անձ՝** <<ԼԵՎՈՆ ԵՎ ԼԱՄԱՐԱ Դեղատուն>> ՍՊԸ
Հասցե՝ ք. Երևան, Դավթաշեն 1 թաղ., 21 շ., 54
- 2) **Պատվիրատուի անվանումը՝**
«ԱՅՐՎԱԾՔԱԲԱՆՈՒԹՅԱՆ ԱԶԳԱՅԻՆ
ԿԵՆՏՐՈՆ» ՓԲԸ
Հասցե՝ ք. Երևան, Դավթաշեն փ/ա 25
- 3) **Գնանշման հարցման ծածկագիրը՝** «ԱԱԿ-ԳՀԱՊՁԲ-
ԲՆԱ-21/04»
և առարկան՝ <<Բժշկական պարագաների ձեռք բերում>>

4) Վեճի առարկան և բողոք ներկայացնող անձի պահանջը՝

Տեղեկացնում եմ Ձեզ, որ <<ԱՅՐՎԱԾՔԱԲԱՆՈՒԹՅԱՆ ԱԶԳԱՅԻՆ ԿԵՆՏՐՈՆ>> ՓԲԸ-ն <<Բժշկական պարագաների>> ձեռքբերման նպատակով հայտարարություն է հրապարակել <<ԱԱԿ-ԳՀԱՊՁԲ- ԲՆԱ-21/04>> ծածկագրով մրցույթի մասին, որը հաստատվել է գնահատող հանձնաժողովի 2021թ. հունվարի 29-ի թիվ 1 որոշմամբ (կից փաստաթուղթ թիվ 1), որի Հրավերով պահանջվող թվով 65 ապրանքներից բողոքարկում ենք թիվ 8-րդ, 10 - 14-րդ և 61 - 63-րդ չափաբաժինները (կից փաստաթուղթ թիվ 2), որոնց <<ՏԵԽՆԻԿԱԿԱՆ ԲՆՈՒԹԱԳԻՐ-ԳՆԱՆ ԺԱՄԱՆԱԿԱՑՈՒՅՑ>>-ի Հավելված թիվ 1-ի <<անվանումը>> և <<տեխնիկական բնութագիրը>> սյունակներով թիվ 8-րդի մասով պահանջվում է <<Բժշկական թանգիֆ /մառյա/ 5մ,>> ապրանքը, թիվ 10 - 14-րդի մասերով պահանջվում են տարբեր չափսերի <<Բժշկական ձեռնոցներ...Ստերիլ, լատեքսից...>> ապրանքները, իսկ թիվ 61 - 63-րդ մասերով պահանջվում են տարբեր չափսերի և ստերիլության <<Վիրակապ...>>-եր (կից փաստաթուղթ թիվ 3, էջեր 1-2):

<<ԱԱԿ-ԳՀԱՊՁԲ- ԲՆԱ-21/04>> ծածկագրով մրցույթի գնահատող հանձնաժողովը 2021թ. մարտի 1-ին կայացած թիվ 3 նիստի արձանագրության թիվ 3-րդ կետով որոշել է՝ << 3. Հաստատել Գնանշման հարցման միջոցով գնում կատարելու ընթացակարգի՝ պայմանագիր կնքելու որոշման մասին հայտարարության տեքստը: >> (կից փաստաթուղթ թիվ 4, էջեր 1-4) և հրապարակել է <<ՀԱՅՏԱՐԱՐՈՒԹՅՈՒՆ՝ պայմանագիր կնքելու որոշման մասին>> տեքստը, որտեղ մեր կողմից բողոքարկվող թիվ 8-րդ, 10 - 14-րդ և 61 - 63-րդ չափաբաժինների բոլոր մասնակիցների հայտերը գնահատել է որպես՝ <<Հրավերի պահանջներին համապատասխանող հայտեր>> (կից փաստաթուղթ թիվ 5, էջեր 1-14), այն դեպքում, երբ՝

ա) Հրավերի թիվ 8-րդի մասով պահանջվող <<Բժշկական թանգիֆ /մառյա/ 5մ,>> ապրանքի համար մրցույթի մասնակիցներ <<ԷՖԲԷՅ>> ՍՊԸ-ի և <<Ռիտա Գասպարյան>> ԱԶ-ի կողմից,

բ) Հրավերի թիվ 10 - 14-րդի մասերով պահանջվող տարբեր չափսերի <<Բժշկական ձեռնոցներ...Ստերիլ, լատեքսից...>> ապրանքների համար մրցույթի մասնակից <<Լեյկո>> ՍՊԸ- կողմից,

գ) Հրավերի թիվ 61 - 63-րդ մասերով պահանջվող տարբեր չափսերի և ստերիլության <<Վիրակապ ...>>-եր ապրանքների համար մրցույթի մասնակիցներ <<ԷՖԲԷՅ>> ՍՊԸ-ի և <<Ռիտա Գասպարյան>> ԱԶ-ի կողմից

ներկայացված <<Գնային առաջարկ>>-ներում (կից ներկայացնում ենք այդ գնային առաջարկների PDF տարբերակները) հաշվարկված և ներառված են ԱԱՀ-ի մեծությունները, որոնք չեն համապատասխանում ՀՀ-ում գնումների գործընթացները կարգավորող իրավական ակտերի պահանջներին՝ այսինքն՝ հակասում են գործող ՀՀ Օրենսդրությանը:

«ԼԵՎՈՆ ԵՎ ԼԱՄԱՐԱ Դեղատուն» ՍՊԸ-ն համաձայն չէ այդ որոշման հետ և ղեկավարվելով ՀՀ «Գնումների մասին» Օրենքի թիվ 46 հոդվածի 1-ին մասով և 3-րդ մասի 1-ին կետով, բողոքարկում է Պատվիրատուի «ԱՅՐՎԱԾՔԱԲԱՆՈՒԹՅԱՆ ԱԶԳԱՅԻՆ ԿԵՆՏՐՈՆ» ՓԲԸ-ի «ԱԱԿ-ԳՀԱՊՁԲ- ԲՆԱ-21/04» ծածկագրով մրցույթի գնահատող հանձնաժողովի 2021թ. մարտի 1-ին կայացած թիվ 3 նիստի արձանագրության թիվ 3-րդ կետով հաստատված և հրապարակված պայմանագիր կնքելու մասին հայտարարության տեքստում մրցույթի մասնակիցներ «ԷՖԲԷՅ» ՍՊԸ-ի, «Ռիտա Գասպարյան» ԱԶ-ի և «Լեյկո» ՍՊԸ-ի կողմից Հրավերի թիվ 8-րդ, 10 - 14-րդ և 61 - 63-րդ չափաբաժինների մասերով պահանջվող ապրանքների համար ներկայացված «Գնային առաջարկ»-ներում ԱԱՀ-ի մեծությունները հաշվարկված և ներառված լինելը որպես «Հրավերի պահանջներին համապատասխանող հայտեր» գնահատելու որոշումը՝ Հրավերի թիվ 8-րդ, 10 - 14-րդ և 61 - 63-րդ չափաբաժինների մասերով, և դիմելով ՀՀ գնումների հետ կապված բողոքներ քննող անձին, խնդրում է Ձեզ ղեկավարվելով «Գնումների մասին» ՀՀ Օրենքի թիվ 50 հոդվածի 7-րդ մասով՝

Ընդունելու որոշում, որը կպարտավորեցնի « ԱՅՐՎԱԾՔԱԲԱՆՈՒԹՅԱՆ ԱԶԳԱՅԻՆ ԿԵՆՏՐՈՆ» ՓԲԸ -ի «ԱԱԿ-ԳՀԱՊՁԲ- ԲՆԱ-21/04» ծածկագրով մրցույթի գնահատող հանձնաժողովին՝ չեղյալ հայտարարելու «ԱԱԿ-ԳՀԱՊՁԲ- ԲՆԱ-21/04» ծածկագրով մրցույթի գնահատող հանձնաժողովի կողմից 2021թ. մարտի 1-ի թիվ 3 նիստի արձանագրության թիվ 3-րդ կետով հաստատված և հրապարակված պայմանագիր կնքելու մասին հայտարարության տեքստում որպես «Հրավերի պահանջներին համապատասխանող հայտեր» գնահատելու որոշումը՝

ա) մրցույթի մասնակիցներ «ԷՖԲԷՅ» ՍՊԸ-ի և «Ռիտա Գասպարյան» ԱԶ-ի կողմից Հրավերի թիվ 8-րդ և 61 - 63-րդ չափաբաժինների մասերով պահանջվող ապրանքների համար ներկայացված «Գնային առաջարկ»-ների մասերով;

բ) մրցույթի մասնակից «Լեյկո» ՍՊԸ-ի կողմից Հրավերի թիվ 10 - 14-րդ չափաբաժինների մասերով պահանջվող ապրանքների համար ներկայացված «Գնային առաջարկ»-ի մասով:

5) բողոքի փաստացի և իրավական հիմքերը, ապացույցները՝

Համաձայն «Գնումների մասին» ՀՀ Օրենքի 4-րդ հոդվածի 1-ին մասի՝

«1. Գնումների մասին Հայաստանի Հանրապետության օրենսդրությունը բաղկացած է Հայաստանի Հանրապետության քաղաքացիական օրենսգրքից, սույն օրենքից և իրավական այլ ակտերից:»>, որոնցից սույն բողոքին առընչվում են հետևյալ իրավական ակտերը՝

Համաձայն ՀՀ հարկային օրենսգրքի 64-րդ հոդվածի 1-ին մասի՝

• ԱԱՀ-ից ազատելը Օրենսգրքի 60-րդ հոդվածով սահմանված՝ ԱԱՀ-ով հարկման օբյեկտ համարվող գործարքների ու գործառնությունների հարկման բազայի նկատմամբ ԱԱՀ չհաշվարկելն է,

Համաձայն ՀՀ հարկային օրենսգրքի 64-րդ հոդվածի 2-րդ մասի 12-րդ կետի՝

• ԱԱՀ-ից ազատված գործարքներ են համարվում դոնորային արյան և դրա բաղադրամասերի, մայրական կաթի, պրոթեզաօրթոպեդիկ պարագաների, բժշկական տեխնիկայի և բժշկական նշանակության ապրանքների օտարումը, բժշկական կազմա-

կերպություններում բժշկական օգնության և սպասարկման շրջանակներում պացիենտների պատրաստած ապրանքների օտարումը, աշխատանքների կատարումը, ծառայությունների մատուցումը:

Նույն կետով սահմանված արտոնությունների կիրառության շրջանակը սահմանում է ՀՀ Կառավարությունը:

1) Բողոքարկվող թիվ 10 – 14-րդ չափաբաժինների մասերով պահանջվում են տարբեր չափսերի <<Բժշկական ձեռնոցներ...Ստերիլ,լատեքսից...>> ապրանքները, որոնք՝

ա) Համաձայն ՀՀ կառավարության 2017 թվականի հոկտեմբերի 5-ի «Ավելացված արժեքի հարկից ազատման արտոնությունների կիրառության շրջանակները սահմանելու մասին» թիվ 1317-Ն որոշման 1-ին կետի 3-րդ ենթակետով սահմանված թիվ 3 հավելվածի 3-րդ կետի 2-րդ ենթակետի՝ բժշկական նշանակության ապրանքները ախտորոշման, կանխարգելման, բուժման, անզգայացման ժամանակ օգտագործվող այն բժշկական նշանակության ապրանքներն են, որոնք՝

<<2) ներառված են նույն հավելվածի բժշկական նշանակության ապրանքների ցանկում:>> Մասնավորապես՝ նույն հավելվածի ցանկի 32-րդ կետի համաձայն՝ << 32. Տարբեր չափի ռետինե վիրաբուժական ձեռնոցներ>> անվանումներով ապրանքները դասվում են բժշկական նշանակության ապրանքների թվին:

բ) Ինտերնետային <<Վիկիպեդիա-ազատ հանրագիտարան>>-ում առկա է <<Բժշկական ձեռնոցներ>> վերնագրով տեղեկատվություն, որտեղ նկարագրված է, թե ինչ նյութերից են պատրաստվում բժշկական ձեռնոցները (կից փաստաթուղթ թիվ 6, էջեր՝ 1-3):

Վերոգրյալ իրավական ակտերը և փաստաթղթերը ապացուցում են, որ <<ԱԱԿ-ԳՀԱՊԶԲ-ԲՆԱ-21/04>> ծածկագրով մրցույթի Հրավերի թիվ 10 – 14-րդ չափաբաժինների մասերով պահանջվող լատեքսից պատրաստված տարբեր չափսերի ստերիլ բժշկական ձեռնոցները ընդգրկված են ԱԱՀ-ից ազատման արտոնության կիրառության նպատակով ԱԱՀ-ից ազատված ապրանքների ցանկում, ինչը նշանակում է, որ այդ չափաբաժինների մասերով պահանջվող ապրանքները ՀՀ տարածքում իրացնելիս իրավունք չկա դրանց համար <<ԱԱՀ>> հարկատեսակ հաշվարկել, այսինքն՝ մրցույթի մասնակից <<Լեյկո>> ՍՊԸ-ի կողմից գնային առաջարկում Հրավերի թիվ 10 – 14-րդ չափաբաժինների մասերով պահանջվող ապրանքների համար ԱԱՀ հաշվարկելը և ներկայացնելը չի համապատասխանում գնումների գործընթացները կարգավորող իրավական ակտերի պահանջներին:

2) Բողոքարկվող թիվ 8-րդ չափաբաժնի մասով պահանջվում է <<Բժշկական թանգիֆ... Երկարությունը 5 մետր, լայնությունը 90 սանտիմետր...>> ապրանքը, իսկ թիվ 61 – 63-րդ չափաբաժինների մասերով պահանջվում են տարբեր չափսերի և ստերիլության <<Վիրակապ>>-եր ապրանքները, որոնք՝

ա) Համաձայն ՀՀ կողմից 2016թ. հոկտեմբերի 18-ին ստորագրված և 2017թ. հունվարի 1-ից ուժի մեջ մտած Եվրասիական Տնտեսական Միության (ԵԱՏՄ) թիվ 101 որոշումով հաստատված՝ <<Արտաքին Տնտեսական Գործունեության Ապրանքների միասնական

Անվանացանկ>>-ի (US\$ ԱԱ) դասակարգման, ընդգրկված են **3005** ծածկագրին պատկանող <<**3005** Բամբակ, թանգիֆ, փաթույթային վիրակապեր եւ նմանատիպ արտադրատեսակներ (օրինակ՝ վիրակապական նյութեր, կպչուն սպեղանիներ, թրջոցալաթեր)՝ ներծծված կամ ծածկված դեղագործական նյութերով կամ **մանրածախ վաճառքի համար բաժնեծրարված** տարաներում կամ **փաթեթվածքներում, որոնք նախատեսված են բժշկության, վիրաբուժության, ատամնարուժության** կամ անասնարուժության մեջ **օգտագործելու համար>> 3005 90 310** ծածկագրով ապրանքների ցանկում (կից փաստաթուղթ թիվ 7):

բ) Համաձայն ՀՀ կառավարության 2017 թվականի հոկտեմբերի 5-ի «Ավելացված արժեքի հարկից ազատման արտոնությունների կիրառության շրջանակները սահմանելու մասին» թիվ 1317-Ն որոշման 1-ին կետի 3-րդ ենթակետով սահմանված թիվ 3 հավելվածի 3-րդ կետի 1-ին ենթակետի՝ ԱԱՀ-ից ազատման արտոնության կիրառության նպատակով ԱԱՀ-ից ազատված ապրանքների ցանկում ընդգրկված են ախտորոշման, կանխարգելման, բուժման, անզգայացման ժամանակ օգտագործվող այն բժշկական նշանակության ապրանքները, որոնք՝

1) **դասվում են** Եվրասիական տնտեսական միության արտաքին տնտեսական գործունեության ապրանքային անվանացանկի դասակարգչի **3005, 3006, 3701 10, 3702 10, 3707 90, 4014, 5601 21, 5601 22 ծածկագրերին>>**

Վերոգրյալ իրավական ակտերը ապացուցում են, որ <<ԱԱԿ-ԳՀԱՊԶԲ- ԲՆԱ-21/04>> ծածկագրով մրցույթի Հրավերի թիվ 8-րդ չափաբաժնի մասով պահանջվող <<**Բժշկական թանգիֆ...** Երկարությունը 5 մետր, լայնությունը 90 սանտիմետր...>> ապրանքը, և 61 - 63-րդ չափաբաժինների մասերով պահանջվող տարբեր չափսերի և ստերիլության <<**Վիրակապ ...**>>-եր ապրանքները ընդգրկված են ԱԱՀ-ից ազատման արտոնության կիրառության նպատակով ԱԱՀ-ից ազատված ապրանքների ցանկում, ինչը նշանակում է, որ այդ չափաբաժինների մասերով պահանջվող ապրանքները ՀՀ տարածքում իրացնելիս իրավունք չկա դրանց համար <<ԱԱՀ>> հարկատեսակ հաշվարկել, այսինքն՝ մրցույթի մասնակիցներ <<ԷՖԲԻԷՅ>> ՍՊԸ-ի և <<Ռիտա Գասպարյան>> ԱԶ-ի կողմից գնային առաջարկներում Հրավերի թիվ 8-րդ և 61 - 63-րդ չափաբաժինների մասերով պահանջվող ապրանքների համար ԱԱՀ հաշվարկելը և ներկայացնելը չի համապատասխանում գնումների գործընթացները կարգավորող իրավական ակտերի պահանջներին:

6) Կից ներկայացնում եմ բողոքարկման վճարի անդորրագիրը:

Առդիր՝ 26 թերթ և <<ԷՖԲԻԷՅ>> ՍՊԸ-ի, <<Ռիտա Գասպարյան>> ԱԶ-ի, <<Լեյկո>>ՍՊԸ-ի գնային առաջարկների PDF տարբերակները :

<< **ԼԵՎՈՆ ԵՎ ԼԱՄԱՐԱ Դեղատուն** >> ՍՊԸ

Կոմերցիոն տնօրեն՝

04 մարտի 2021թ.

Էլ.փոստ՝ levonlamara@gmail.com

Հեռախոս՝ 091414363

